



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 117. Conspiratio ab ipsomet Piscario Cæsari manisestata.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæcul. XVI. præstare renuerent. Pactis hisce conditionibus quantocius Mentebona Romanam petiit, ut eas Pontifex ratas haberet; Santus vero Lugdunum ire spondit, ut Regni Administratricem ad firmandum hoc fœdus induceret. Hæc eo libentius nomen suum dedit, quo acerbius in Cæsarem odium foveret, eo quod ipse Regem ejus filium libertati restituere pertinacius cunctaretur: Itaque Fœderatis accedens, non solum religiosum rei gestæ silentium, sed etiam mediam sumptuum partem promisit. Sub idem tempus Mentebona disparuit, nec ultra unquam reversus est; Santus vero e Francia redux in Grifonum alpibus a Latronibus occisus fuit; quamvis rumor esset, utrumque Antonii Levæ impulsu a Sicariis fuisse sublatum.

§. CXVII.

Conspiratio ab ipsomet Piscario Cæsari manifestata.

Paulo post nunciatum erat Piscario, Mentebonam nusquam ultra inveniri, Santum quoque fuisse trucidatum, quocirca Piscarius secretas eorum epistolas fuisse interceptas, ac cuncta conspirationis arcana prodita veritus, Castaldum intimum amicum suum ad Cæsarem ablegabat, qui clandestina eidem mani-

manifestaret confilia, simulque significaret, se ejusmodi molitionibus simulate assensisse, easque detegere fuisse cunctatum, ut totam conspirationis seriem penitus assequeretur, eoque certius fœderatos falleret. Rescripit Piscario Cæsar, eumque admonuit, ut cum Papa, Venetis, & Morono Cancellario agere pergeret: ipse vero interea cum iisdem rem ita gessit, ut brevi certæ in Italia pacis spes affulgere videretur.

Sæcul. XVI.
A. G. 1525

§. CXVIII.

Cæsar Italiam manifestat, sibi conspirationem esse detectam.

Paulopost Imperator Castaldum ad Piscarium remisit, eique significari jussit, nunc e re fore, ut Italiam ostendatur, eorum conspirationem esse detectam, proin Moronum Cancellarium custodiæ dandum, nilque intentatum relinquendum, ut Mediolanensis Ducatus rursus in Cæsaris obsequium revocetur.

§. CXIX.

Cæsaris jussa Piscario data pro Mediolanensi Ducatu expugnando.

Piscarius accepto Cæsaris mandato quantocius copias suas auxit, Papiam & Laudam munimentis firmavit, ac nova his urbibus præsidia imposuit, denique Morono significari jussit, rupta

Guicci. l. 16.

Hist. Eccles. Tom. XXXIV. Oo omni